

Inungnun Tuhaqtitaujuqhaq

**Pijumajun tuqhirutiqhanik – Pittailiniqhainnut
piniarhimadjutiqhat Inminiirnikkutigut, Taangaqtutigut,
Aa’ngajaarnaqtutigunlu**

Aullaqtirvia Ublua: Niqiliqivik 24, 2023
Nutqarviquhaa Ublua: Saptaipa 8, 2023
Nunavut-tamaat

90 sec

Munaqhiliqijitkut Inuusivut Havagvia piliqtut tuqhigutiqhanik maningmik Upigivatsi
inminiiqtailitiqhatigun piumaniit taangaq hiraaglurniklu pittailinirmun
maniliqtuutijauniagtut pivighainnut 2023-2024 maniliqinirmun ukiugani.

Maniliurnahuajuitut timiqutiujut, haamlatkut Nunavunmiutlu pitqujut tunihilutik uuktuutiqhainnik nunallaamingnik havaaqhainnut. Maniliqtuutigijaujut hulidjutiqhanut ikajungniaqtait inminiiqtailinirmun, inminiiqtailinirmunlu ikajuutiqhainnut talvuuna Upigivatsi pivinggani uuktuutitlu uqagijainnik aturniatigut talvuuna taanngaq higaarlurniklu pivingani.

Upigivatsi piviqhaqaqtut maniliqtuutiqhanik aadlatkiingnut hulidjutiqhainnut taafumingalu ahiqpani hulidjutiqhainnik inuulrammiit, atadjutilginnut inirniqhaanut, ihuaqtumik uqaudjaunirmik, pivallialiqlutik iqatait ikajurnikkut katimajut, qiniqhianirmun, nunallaami ilihaiqviquhainnut, inungmiunirmunlu mihingnautit ajuiqhalugit. Taanganiq, hiraaglurniklu pittailiniit pivinggit piviqhaqaqtut maningnik amigaittunut nunallaami-ittunik piviqhanut hulidjutiqhanutlu ilaliutiplugit iqatinirmun ikajuutijut katimajut, iqatinirmun uqaudjauniq, ilihainirmunlu.

Uuktuqtut pitquijuugaluat piliurnikkut nutaanik ihumaqhanik pivallialutiklu piviqhanut tikiutijunik kitulluanik ihariagijaujunik nunamingnik pidjutigiplutiklu Inuit Qaujimajatuqangit hivuniqhaliurutaita.

Qaritaujakkuugutigilugit uvuuna inuusivutanninaqtug@gov.nu.ca uuktuutiqhamik puungganik naunaittiagumaguvitluunniit. Ikajuutiqhat hailihimajut ikajuqtaujaami iniktirinirmun uuktuutiqhanut.

